

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

KULTURA ETA KIROL SAILA

Foru Gobernu Kontseiluaren 792/2019 Erabakia, abenduaren 10ekoa. Onestea Gazteriaren Foru Erakundeko 2019ko enplegu publikoaren eskaintza

Euskal Autonomia Erkidegoko, Euskal Funtzio Publikoari buruzko uztailaren 6ko 6/1989 Legearen 23.1 artikuluan (betiere, lege honek emandako idazkeraren arabera: 16/1997, azaroaren 7koa) xedatutakoaren ariora, "aurrekontu izendapena duten giza baliabideen beharriak, administrazio publiko bakoitzak dituen langileekin bete ezin badira, enplegu publikoaren eskaintzan eskainiko dira betetzeko".

Horrela, Gazteriaren Foru Erakundeak, Arabako Foru Aldundiaren erakunde autonomoak, aldi baterako eta bitarteko enplegua finkatzeko prozesua garatu nahi du, dauden lanpostuak gehitu gabe. Horretarako, aurrekontu zuzkidura dutenak eta lanpostuen zerrendan daudenak aterako ditu eskaintzara.

Uztailaren 3ko 6/2018 Legeak, Estatuaren 2018ko aurrekontu orokorrenak, mugak eta betekizunak ezartzen ditu langile berriak sartzeko 2018ko ekitaldirako, muga horien barruan onartuta, betiere errespetatuz gastuen aurrekontuen I. kapituluko aurrekontu baliabideak, hurrengo sektore eta administrazioetan enplegu publikoaren eskaintza deitzea.

7. atalean ezarritakoaren arabera, giza baliabideak berritzeko tasa kalkulatzeko, ezarritako gehieneko ehuneko tasa aplikatuko zaio sektore, arlo, kidego edo kategoria bakoitzean aurreko aurrekontu ekitaldian zerbitzua emateari utzi zioten langile finkoen kopuruaren eta ekitaldi berean, edozein arrazoi dela eta, –enplegu publikoaren eskaintzakoak edo lanpostua gorde beharrik ez dakarten egoeretatik berriro sartuak izan ezik– horietan sartu diren langile finkoen kopuruaren aldeari.

Hala, bada, ez dira zenbatuko giza baliabideak berritzatzeko tasaren ondoriozko gehieneko plaza kopuruaren barruan baleude bezala deialdian barne sustapeneko prozesuen bidez betetzeko eskaintzen diren plazak.

2019. urtera luzatutako 2018ko Aurrekontuen Legean xedatutakoa aplikatuz, 2018ko ekitaldian plantillan izandako aldaketei ehuneko 100eko birjarpen tasa dagokie, oro har. Urte horretan, lanpostu bat hutsik geratu zen, Zuhatzako aterpetxeko mantenimenduko ofiziala (090335 plaza), titularrak erretiroa hartu zuelako, eta ez da sarrera berririk egon.

Era berean, muntai eta zerbitzuetako espezialista plazaren titularrak erretiroa hartu zuen (170158 plaza), eta lanpostu hori lehiaketa baten bidez bete zen. Ondorioz, 170663 plaza hutsik geratu zen, eta, lan eskaintzan sartu da.

Azkenik, 2018an 4 plaza berri sortu dira (agiriaren kudeaketako erdi-mailako 3 teknikari eta gazteria teknikari 1). Plaza horiei ehuneko 100eko tasa dagokie. Agiriaren kudeaketako erdi-mailako teknikariaren plazetako bat aldatu egin da, eta gazteria teknikari izena hartu du.

Hori guztia kontuan izanik, Gazteriaren Foru Erakundearen zuzendaritza-kudeatzaileak lan eskaintzarako proposamen bat egin du lanpostu zerrendaren arabera. Proposamen horretan sartuko dira aurrekontuan zuzkidura duten plaza hutsak, baldin eta ezin atzeratuzkoa jotzen bada haiek betetzea zerbitzu publikoak ondo ibiltzeko, lan eskaintzan sartuz betetzekoak diren plazak. Erabaki hori erakunde autonomoaren Administrazio Kontseiluak aztertu zuen 2019ko azaroaren 26an egindako bilkuran eta erabaki zuen Arabako Foru Aldundiaren Foru Gobernu Kontseiluari aurkeztea.

Kontuhartzaitletza Zerbitzuari aginduzko txostena eskatu zaio.

Horregatik, Gazteriaren Foru Erakundeko Administrazio Kontseiluak eta Kultura eta Kirol Saileko diputatuak proposatuta eta Diputatuen Kontseiluak gaur bertan egindako bilkuran gaia aztertu ondoren, honako hau

ERABAKITZEN DUT

Lehenengoa. Gazteriaren Foru Erakundearen zerbitzura dauden langileen plazen 2019rako enplegu publikoaren eskaintza onartzea. Plazak erabaki honen eranskinean jasota daude.

Bigarrena. Aipatutako eranskinean derrigorrezko hizkuntza eskakizuna duten plazak finkatzen dira, eta nahitaezkoa izango da hura betetzea plaza eskuratzeko.

Hirugarrena. Sartzeko sistema orokorra oposizio-lehiaketa izango da.

Laugarrena. Eskainitako plazak eskuratzeko prozedura eta betekizunak kasuan kasuko deialdietan finkatuko dira, Gazteriaren Foru Erakundearen Administrazio Kontseiluak onartuko duen oinarrien arabera.

Bostgarrena. Urriaren 30eko 5/2015 Legegintzako Errege Dekretuak, enplegatu publikoaren oinarrizko estatutuaren legearen testu bateratua onartzen duenak, 70.1 artikuluan ezarritakoarekin bat etorritik, hautaketa prozesuak gehienez ere hiru urteko epearen barruan deitu beharko dira, erabaki hau ALHAOn argitaratu eta hurrengo egunetik aurrera kontatzen hasita.

Seigarrena. Argitaratzea erabaki hau eta bere eranskina ALHAOn, eta honen laburpena Euskal Herriko Agintaritzaren Aldizkarian.

Vitoria-Gasteiz, 2019ko abenduaren 10a

Diputatu nagusia

RAMIRO GONZÁLEZ VICENTE

Kultura eta Kirol Saileko foru diputatua

ANA M. DEL VAL SANCHO

ERANSKINA / ANEXO

ARLOA AREA	UNITATEA UNIDAD	LANPOSTUA PUESTO	P. K. C. P.	LANPOSTUAK PLAZAS	K. E. R. C.	D. E. R. D.	T. T. G. T.	H. E. P. L.	D. D. F. P.
1 Zerbitzu Orokorrak Servicios Generales	40	Agirien kudeaketako erdi-mailako teknikaria Técnico/a Medio de Gestión Documental	200168 200169	2	L	N	A2	3	2021/12/31 2018/01/01
		Gazteria Teknikaria Técnico de Juventud	020470	1	L	N	A2	3	2018/01/01
		Gazte-informatzailea Informador/a Juvenil	210171	1	L	N	C1	2	2018/01/01
2 Aterpetxeak Albergues	30.4000 Zuhatzako aterpetxea Albergue de Zuhatza	Mantenimenduko Ofiziala Oficial de Mantenimiento	090335	1	D	N	C1	2	2017/12/31
		Muntai eta Zerbitzuetako Espezialista Especialista de Montaje y Servicios	170663	1	D	N	C2	2	2021/12/31
TOTAL				6					

Abrebiaturas:

P. K./C. P.: Plazaren Kodea / Código de Plaza

K. E./R. C.: Kontratazio Erregimena / Régimen de Contratación:

— L: Lan-kontratu Finkoa / Laboral Fijo Continuo

— D: Aldizkako lan-kontratu finkoa / Laboral fijo-discontinuo

D. E./R. D.: Dedikazio Erregimena / Régimen de Dedicación

— E: Erabatekoa / Exclusiva

— O/N: Ohikoa / Normal

T. T./G. T.: Titulazio Taldea / Grupo de Titulación.

H. E./P. L.: Hizkuntza Eskakizuna / Perfil lingüístico.

D. D./F. P.: Derrigortasun Data / Fecha de Preceptividad